



## **Stine Egede, Inatsisartunut ilaasortaq, Inuit Ataqtigiit /-Her**

### **Kiffaq pillugu § 37 naapertorlugu apeqqummut nr. 59/2019-mut akissut**

Brevdato: 04-02-2019  
Sags nr. 2019 - 2532

Asasara Stine Egede

P. O. Box 1037  
3900 Nuuk

Inatsisartut suleriaasianni § 37, imm. 1 naapertorlugu apeqqutit tulliuuttut saqqummiuppatit. Apeqqutit tulliuuttuni allaqqinneqarput ataasiakkaarlugillu akineqarlutik:

Tel. (+299) 34 50 00

Fax (+299) 34 63 50

E-mail: oed@nanoq.gl  
www.naalakkersuisut.gl

#### **1. Suliaq "Kiffaq konto" sumut killippa?**

Akissut:

Atortorissaarummik nammineerluni akiligassanik aniatitsisartumik eqqarsaatersortoqarnerata apeqqutigineqarnera pineqarsorinarpoq. Atortorissaarut taanna ullumikkut ima atserlugu oqaluuserineqartarpoq: Ilanngaassivik.

Kiffaq Akileraartarnermut Atugarissaarnermullu Ataatsimiititaliarsuup atortorissaarummut assingusumut taaguutigippaa.

2019-mut aningaasanut inatsit pillugu Siumup, Atassutip, Nunatta Qitornaata, Inuit Ataqtigiit Demokraatillu isumaqatigiissutaanni Ilanngaassiviup piareersarnissaa pillugu suliat nanginneqarnissaat isumaqatigiissutigineqarpoq. Suliassarlu tamanna piareersarneqarpoq.

#### **2. Naalakkersuisut naatsorsuutigaat "Kiffaq konto" piviusunngorumaartoq?**

Akissut:

Oqaatigineqareersutut Ilanngaassiviup piareersarneqarnerata nangittumik suliarineqarnissaa politikikkut aalajangiunneqarpoq. Taamaammat atortorissaarummik nammineerluni akiligassanik aniatitsisartumik pisortat atulersitsinissaannik periarfissaq Naalakkersuisut pitsaasuutippaat.

Erseqqissaatigineqassaarli Ilanngaassiviup atulersinneqarnera pillugu Inatsisartut aalajangiisussammata.

#### **3. Kiffaq konto pillugu nalunaarusiortoqarpa ?**

Akissut:

Ilanngaassivimmiinnaq imaqartumik nassuiaasiortoqarsimanngilaq. Atortorissaarulli oqaluuserisanut assigiinngitsunut atatillugu oqaluuserineqartarpoq.

Akiitsulli akiligassaqarnermillu ajornartorsiutit ilaatigut akiitsut akiitsunillu akuersuisitsineq pillugu nassuiaammi<sup>1</sup>, februar 2017-meersumi sammineqarput, tassanilu llanngaassivimmik atortorissaarut nassuiarneqarpoq. Kapitali 4.5 takuuk.

Taamattaarlu llanngaassivik Attassinissamut Siuariartornissamullu pilersaarummi 2016-meersumi imminut pilersornerunissaq pillugu aaqqissuusseqqinnissami siunertaq 4-mi suliniut 7-mi nassuiarneqarpoq.

Atortorissaarut Kiffaq atortorissaarutip llanngaassiviup siuliatut taaneqarsinnaavoq, taannalu Akileraartarnermut Atugarissaarnermullu Ataatsimiititaliarsuup isumaliutissiissutaani<sup>2</sup> 2011-meersumi nassuiarneqarpoq. Kapiteli 9.4.2 takuuk.

Taakkulu saniatigut akiligassanik akilersueriaatsimik atortorissaarutit assigiinngitsut teknikkikkut misissoqqissaarneqarnerat suliarineqartarput.

#### **4. Kiffaq konto pillugu nalunaarummi suut innersuussutaappat ?**

Akissut:

Akileraartarnermut Atugarissaarnermullu Ataatsimiititaliarsuup isumaliutissiissutaani kiisalu akiitsut pillugit nassuiaammi 2017-mieersumi atortorissaarut akilersuitsitsinermi akiitsunillu akilersuititsinermi allaffissornikkut pisarissersuutit annikillisarneqarnissaannut attuumassuteqartut, akiitsunut unammillernartut annikillisarmissaat, atortorissaarutip pitsaaqutai pitsaanngequtaalu kiisalu atortorissaarutip qanoq teknikkikkut aaqqissorneqarsinnaanera, pissutsillu suut tassunga atatillugu eqqumaffigineqarnissaat sammineqarput.

#### **5. Kiffaq konto pillugu innersuussutaasut aallaavigalugit atuutilernissaanut pinngaarnersiuvisoqarpa ?**

Akissut:

Kiffaq pillugu nassuiaammi kaammattuutit pillugit tulleriarisooqarsimanera pillugu apeqqutigineqarnera pineqarsorinarpoq. 2017-mi nassuiaat isumaliutissiissulluunniit Kiffaq llanngaassivilluunniit pillugit tulleriarakkannik kaammattuutit imaqqanngilaq.

Siunnersuutit tulleriarnerat apeqqutigineqarpat, ilaatigut 2019-mut aningaasanut inatsit pillugu isumaqatigiissut siuliani taaneqartog, 2019-mullu aningaasanut inatsit suliniutip suliarineqarnerata ingerlateqqinnissaanut aningaasanik immikkoortitsiviusoq innersuussutigineqarput.

---

<sup>1</sup><https://naalakkersuisut.gl/~media/Nanoq/Files/Attached%20Files/Finans/DK/Gaelds%20og%20investeringsstrategi/G%C3%A6ldsredeg%C3%B8relse%20efter%20godkendelse%20til%20Inatsisartut%20final%20dk.pdf>

<sup>2</sup><https://naalakkersuisut.gl/~media/Nanoq/Files/Attached%20Files/Finans/DK/Betaenkning/Kapitel%209%20Skatter%20og%20Afgifter.pdf>

**6. Taamaangippat qaqugu Naalackersuisut naatsorsuutigaat periusissiamik atorreqarsinnaasumik atuutilertitsinissartik ?**

Akissut:

Ilanngaassivik pillugu qanga inatsimmik akuersissuteqartoqarsimanera pineqarsorinarpoq. Apeqqut nr. 1-ip akineqarnerani oqaatigineqartutut 2019-mut aningaasanut inatsit pillugu partiit isumaqatigiissuteqartut Ilanngaassivimmik suliniutip siuarsarnissaa kissaatigaat. Oqariartuut taanna partiinik isumaqatiginninniarnikkut Naalackersuisut malilersaarpaat.

**7. Suut peqqutaallutik maanna suli susoqangila ?**

Akissut:

Juni 2017-mi Inatsisartut inatsisissaattut siunnersuut tusarniutigineqarpoq. Siunnersuulli UKA 2017-mi saqqummiunneqangilaq. Kingornali isornartorsiorneqartut ilaat iliuseqarfiginiarlugit suliaqartoqarpoq.

Taakkulu saniatigut Naalackersuisut akiitsut annertusiartornerat pillugu ajornartorsiutit annikillisarmissaannik suliniutinik suliaqartuarput. Taamaallunilu akiitsut pillugit siunnersuineramik misileraanermik suliniummik ingerlatsisoqarpoq, suliniutillu taassuma nunamut tamarmut siuaruaanneqarnissaa Naalackersuisut sulissutigaat.

**8. Naalackersuisut allanik saqqummiussassaqarpat ?**

Akissut:

Naamik.

Inussiarnersumik inuulluaqqusillunga

  
Vittus Qujaukitsoq